



Broj: 01-2070/23

Sarajevo, 28. 11. 2023. godine

Na osnovu čl. 64. stav 1. tačka b., 70. stavovi 1., 3. i 6. Zakona o javnim nabavkama ("Službeni glasnik BiH" br. 39/14 i 59/22), člana 115. Statuta Univerziteta u Sarajevu, br. 01-14-35-1/23 od 26.07.2023. godine, Odluke Upravnog odbora o usvajanju Plana javnih nabavki Integrisanog Univerziteta u Sarajevu za 2023. godinu - br: br: 02-14-4/23 od 28.04.2023. godine, na preporuku Komisije za javne nabavke broj: 01-1955-5/23 od 27.11.2023. godine dekanica Fakulteta donosi

O D L U K U
o izboru najpovoljnijeg ponuđača u postupku javne nabavke:
„usluga dizajna, preloma i dtp-a knjige“

Član 1.

Prihvata se preporuka Komisije za javnu nabavku, broj: 01-1955-5/23 od 27.11.2023. godine, te se ugovor u postupku javne nabavke koji provodi ugovorni organ Univerzitet u Sarajevu-Pravni fakultet: „usluga dizajna, preloma i dtp-a knjige“, dodjeljuje se ponuđaču:

"REPUBLIC" d.o.o. Sarajevo, čija cijena ponude iznosi: **1.500,00 KM bez PDV-a** a u skladu sa ponudom ponuđača broj: 01-243/23, broj postupka: 29339-7-2-23-3-39/23, utvrđena kao najbolje ocijenjenom.

Član 2.

Prijedlog ugovora o nabavci dostavit će se na potpis izabranom ponuđaču "REPUBLIC" d.o.o. Sarajevo, prije isteka prethodnog ugovora zaključenog za predmetnu nabavku.

Član 3.

Izabrani ponuđač je dužan dostaviti originale ili ovjerene fotokopije dokumenata iz člana 45. Zakona o javnim nabavkama, skladu sa uslovima iz tenderske dokumentacije.

Član 4.

Za izvršenje ove odluke zadužuje se i ovlašćuje Služba računovodstva Univerziteta u Sarajevu.-Pravnog fakulteta

Član 5.

Ova odluka objavit će se na web-stranici Univerziteta u Sarajevu-Pravnog fakulteta, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 6.

Ova odluka stupa na snagu danom donošenja, i dostavlja se svim ponuđačima koji su



učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke usluge dizajna preloma i dtp-a sa pratećom instalacijom, broj:01-1955/23 od 14.11.2023. godine

Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a je: 1.500,00 KM.

Obavještenje o nabavci broj: 29339-7-2-23-3-39/23, objavljeno je na Portalu javnih nabavki dana 14.11.2023. godine, sažetak obavještenja o nabavci objavljen je u „Sl. glasniku BiH“, broj: 79/23 dana 17.11.2023. godine.

Komisija za javne nabavke imenovana je Odlukom broj: 01-1732/21 od 13.10.2021. godine, te odluke o izmjeni odluke o imenovanju komisije za javne nabavke broj:01-1732-1/21.

U predmetnom postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dva);
- da su blagovremeno zaprimljene 2 (dvije) ponude.
- da su ponude 2 (dva) ponuđača prihvatljive, i to: REPUBLIC d.o.o. Sarajevo i TDP d.o.o. Sarajevo.

Komisije je utvrdila da je ponuda ponuđača TDP d.o.o. Sarajevo, broj: 59-05/2023 od 22.11.2023. godine, nepravilna odnosno nepotpuna i neispunjava zahtjeve iz tenderske dokumentacije iz razloga što stranice ponude nisu uvezane i numerisane na način propisan Zakonom i Tenderskim dokumentom, a također ponuda nije popunjena neizbrisivom tintom, već je odštampana na računaru, pa se kao takva odbacuje.

Naime, članom 58. stav 2. Zakona o javnim nabavkama BiH, kojim se uređuje sadržaj ponude, propisano je sljedeće:

„Ponuda mora biti čvrsto uvezana i sve strane ponude numerisane (izuzev dokaza o garanciji iz stava (1) tačke b) ovog člana, te štampane literature, brošura, kataloga i sl.)“.

Članom, 15.2 Tenderskog dokumenta je između ostalog utvrđeno:

„Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogućí naknadno vađenje ili umetanje listova. Dijelovi ponude kao što su uzorci, katalogi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerirane na način da je vidljiv redni broj stranice ili lista. Ako ponuda sadrži štampanu literaturu, brošure, kataloge i sl. koji imaju izvorno numerirane brojeve, onda se ti dijelovi ponude ne moraju numerirati dodatno“.



Shodno navedenom, Ponuda ponuđača TDP d.o.o. Sarajevo se odbacuje u skladu sa članom 68. stav 4. tačka i. ZJN.

Komisija za javne nabavke dostavila je Dekanici fakulteta, dana 27.11.2023.godine Zapisnik o pregledu i ocjeni ponuda broj: 01-1955-4/23 od 24.11.2023..godine sa Preporukom o izboru najpovoljnijeg ponuđača broj: 01-1955-5/23 od 27.11.2023.. godine, u postupku javne nabavke Laptopa i sitne računarske opreme sa pratećom instalacijom, a na osnovu kojih je i donešena ova odluka.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka, Dekanica nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, , te održanu e-aukciju, nesporno je da je izabrani ponuđač najbolje ocijenjen zbog najniže cijene.

U skladu sa navedenim, utvrđena je rang lista ponuđača kako slijedi:

<u>Redni br. rang listi</u>	<u>Naziv ponuđača</u>	<u>Konačna cijena u KM bez PDV-a</u>	<u>Umanjena cijena</u>	<u>rang listi</u>
1.	REPUBLIC d.o.o. Sarajevo	1.500,00	0%	1

Izabrani ponuđač je izabran primjenjujući kriterij najniže cijene.

Iz gore navedenih razloga, primjenom člana 64. stav (1) tačka b) najniža cijena Zakona o javnim nabavkama, odlučeno je kao u članu 1. ove odluke.


POUKA O PRAVNOM LIJEKU

Protiv ove odluke može se izjaviti žalba u roku od 5 (pet) dana od dana prijema odluke.

Žalba se podnosi u pisanoj formi Uredu za razmatranje žalbi, u dovoljnom broju primjeraka koji ne može biti manji od tri, a putem Ugovornog/prvostepenog organa.

DEKANICA

Prof. dr. Zinka Grbo





DOSTAVITI:

- ponuđaču
- web Fakulteta
- arhiva

Akt obradio/la: Haris Starhonić, BA iur., viši stručni saradnik za pravne i personalne poslove

Akt kontrolisao/la: dr. sci. Vesna Lazić Buljan, sekretar Fakulteta

Akt odobrio/la: prof. dr. Zinka Grbo, dekanica

Sekretar Univerziteta u Sarajevu-Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Dekan Univerziteta u Sarajevu-Pravnog fakulteta nadležan za donošenje odluke shodno članu 71. Zakona o visokom obrazovanju („Službene novine Kantona Sarajevo“, broj 36/22).